

- 1★ وزیر اعظم نریندر مو دی نے کہیو ہے جے جموں کشمیر بدعنوانی تے دہشت گردی تے علیحدگی پسندی تیں پاک سرکا ر آلے پا سے دیکھ رہی ہے
- 2★ اقوام متحدہ جنرل اسمبلی مانہہ پاکستانی وزیر اعظم شہباز شریف غا جموں کشمیر غا حوالہ ور بھارت نے رد عمل طاہر کیو ہے۔
- 3★ وادی کشمیر غا کلگام ضلع مانہہ اک ٹاکرہ مانہہ 2 دہشت گرد ہلاک جد کہ بشمول 4 فوجی جوان 5 جوان زخمی ہو گیا ہیں۔
- 4★ تے بٹوت کشتواڑ شاہراہ ور اک سڑک ہادثہ مانہہ 2 افراد ہلاک تے اک شخص زخمی ہو گیا ہے۔

Rev JK PM Rally

بی جے پی غا سینئر لیڈر تے وزیر اعظم نریندر مو دی نے اج کہیو ہے جے جموں کشمیر غا لوک امن تے بچاں غو بہتر مستقبل چاویں۔ آکاشوانی جموں گا نمائندہ نے رپورٹ ٹوری ہے جے جموں مانہہ اج اک چناوی جلسہ نال خطاب کرتاں واں وزیر اعظم نے کہیو جے پچھلا 2 مرحلاں گا اسمبلی چناؤ اس گل گا گواہ ہیں۔ وزیر اعظم نے کہیو جے جموں کشمیر لوک 3 گنباں کا نگریس، نیشنل کا نفرنس تے پی ڈی پی غا راج تیں تنگ ہیں تے ویں ہن فر تیں ایسو راج نہیں چاہتا جت بدعنوانی تے فرقو فرقی وے۔ وزیر اعظم نے کہیو جے جموں کشمیر غا لوک بی جے پی غی حکومت چاویں۔ جس نے خطہ مانہہ ترقی آنی ہے۔ جموں غی ترقی بارے وزیر اعظم نے اس طرح کہیو۔۔۔ با ٹٹ۔۔۔ وزیر اعظم نے یاد کرایو جے اج ہی غے تہاڑے 2016 مانہہ پاکستان غے خلاف سرجیکل سٹرائیک کا روائی بحالی کی گئی تھی۔ جموں مانہہ جلسہ غے دوران وزیر اعظم نے دہشت گردی با رے اس طرح کہیو۔۔۔ باٹٹ۔۔۔

PM OROP

وزیر اعظم نے اج کا نگریس ور الزام لایو جے اُس نے مُلک غی خاطر جان دین آلاں غی کدیں وی عزت نہیں کی۔ جموں مانہہ اک چناوی جلسہ غے دوران وزیر اعظم نے کہیو جے 2014 مانہہ سرکا ر بنان تیں بعد اُن غی سرکا ر نے ”ون رینک ون پنشن“ اسکیم عملائی۔ اُنہاں نے کہیو جے ہن تک فوجی گنباں نے 1 لکھ 20 ہزار کروڑ تیں متا روپیہ وصول کر لیا ہیں۔ وزیر اعظم نے کہیو۔۔۔ با ٹٹ۔۔۔

NC Omar

نیشنل کانفرنس کا نائب صدر تے گاندربل تے بڈگام تیں پا رٹی اُمید وار عمر عبدالله نے اج بی جے پی لیڈراں گا اِس داعویٰ نانہہ نکاریو ہے جے اُن غی پا رٹی جموں کشمیر مانہہ آئندہ سرکا ر بناوے گی۔ کپواڑہ مانہہ اخباری نمائنداں نال گل کرتاں واں عمر عبدالله نے یاہ گل دعویٰ نال کہی جے بی جے پی غو جموں کشمیر مانہہ نوی سرکا ر بنانو بہت مشکل ہے کیونجے وادی مانہہ اُن غی طرفوں کھلا کیا اُمیدواراں با رے لوگ بُن واقف بو گیا ہیں۔ اُنہاں نے کہیو۔ بائٹ۔۔

CEO Pole Samba

آئندہ اسمبلی چناؤ غی تیاریاں غا سلسلہ مانہہ اج چیف الیکشن افسر پی کے پولے نے ضلع سانہہ غودورو لایو تے ووٹراں نانہہ بیدار تے جانکا ری فراہم کرن غا مقصد نال چلایا جا رہیا سویپ پروگرام غی اک تقریب مانہہ حصو لیو۔ جناب پولے نے ضلع مانہہ چناؤ غا سلسلہ مانہہ کی گئی تیاریاں غو جائزو لیو تے الیکشن کران غا عمل مانہہ قائم سامان تقسیم کرن غا مرکز، وصول کرن گا مرکز تے کنٹرول روم غو معائنو کیو۔ آکاشوانی نامہ نگا ر نال گل کرتاں واں سانہہ تیں چیف الیکشن افسر جموں کشمیر نے مزید دسیو۔ بائٹ۔۔۔

India Pak UN

اقوام متحدہ جنرل اسمبلی مانہہ پاکستان وزیر اعظم شہباز شریف غا جموں کشمیر غا حوالہ ور بھارت نے رد عمل دتو ہے۔ اُن غی تقریر گا جواب مانہہ بھارت نے کہیو ہے جے اک مُلک جس نانہہ فوج چلاوے تے دہشت گردی منشیا ت غی تجارت تے بین القوامی جرائم واسطے عالمی شہرت رکھے تے وہ دُنیا غی سب تیں بڑی جمہو ریت ور کے دلیری رکھے۔ یو این جی اے غی اک نشست نال خطاب کرتاں واں بھارتی سفارت کار بھاریکا منگل آئندہ نے کہیو جے دُنیا جانے پاکستان سرحد پار تیں گوانڈی مُلکاں واسطے اک ہتھیار غے طور استعمال کرے تے جموں کشمیر مانہہ چناؤ مانہہ خلل پان واسطے لگاتار دہشت گرداں غو استعمال کر رہیو ہے۔ جہیڑو بھارت غو ان ٹُٹ حصو ہے۔

PM HM

وزیر اعظم نربندر مودی تے وزیر داخلہ امت شاہ نے مجاہد آزادی بھگت سنگھ نانہہ اُن غا جنم تہاڑہ ور خراج عقیدت پیش کیو ہے۔ اک سوشل میڈیا پوسٹ مانہہ جناب مودی نے بھگت سنگھ نانہہ سلام پیش کیو ہے ویں اک امر شہید ہیں۔ جنہاں نے مہارا وطن غی عزت محفوظ رکھن غی خاطر اپنی زندگی قربان کی۔ وزیر داخلہ امت شاہ نے کہیو جے انقلابی بھگت سنگھ جی نے ناصر ف انگریزی راج نانہہ اُچی آواز نال للکاریو بلکہ آزادی اور مُلک غا سنہری مستقبل واسطے اپنی جان وی قربان کی۔ جناب شاہ نے کہیو جے

بھگت سنگھ غی قربانی غی چنگاری اک ایسو عظیم لا مبو بن گئی بے جس غی وجہ نال
پورا مُلک غے اندر آزادی غی لہر بو رپھیل گئی تھی۔

PM MKB

وزیر اعظم نریندر مو دی تا رہیں مُلک تے بیرون مُلک رہن آلا بھارتی با شنڈاں نال
آکاشوانی ور من کی بات غے دوران اپنا خیالات سانجھا کریں گا۔ تیجی با ر وزیر اعظم
بنن تیں بعد اُن غی یاہ چوتھی من کی بات وے گی۔ مذکورہ پروگرام غی چوتھی قسط
آکاشوانی تے دورشن، اے آئی آر نیوز ویب سائٹ اور نیوز آن ائیر موبائل ایپ ور وی نشر
وے گی۔ وزیر اعظم غو من کی بات پروگرام آکاشوانی نیوز، ڈی ڈی نیوز، وزیر اعظم غا
دفتر اور اطلاعات و نشریات غا یو ٹیوب چینلاں ور وی چلے گو۔ آکاشوانی اس پروگرام
غی بند نشر تیں فوراً بعد علاقائی زباناں مانہہ وی من کی بات نشر کرے گو۔

Kulgam Encounter

جنوبی کشمیر غا کُلگام ضلع غا آڈی گام علاقہ مانہہ جا ری ٹاکرہ مانہہ 2 دہشت گرد
بلاک کر دتا گیا ہیں۔ اک اعلیٰ پولیس افسر نے دسیو بے جے 2 دہشت گرد اس ٹاکرہ مانہہ
ما ر مکایا گیا ہیں۔ جن غی اجوں پشان نہیں بو پائی بے کیونجے اجوں تصادم جا ری بے۔
اس تیں پہلاں ذریعہاں نے دسیو تھو جے تصادم غا شروع مانہہ 4 فوجی جوان تے اک
پولیس افسر زخمی بو گیا تھا تے اُن غی حالت مستحکم بے تے اُن غو علاج فوج غا 92
بیس ہسپتال مانہہ چل رہیو بے۔

LG Sheetal Devi

لیفٹنٹ گو رنر منوج سنہا نے اج راج بھون جموں مانہہ پیرس 2024 پیرا الَمپکس مانہہ
کا نسہ غا تمغہ جتن آلا کھلاڑیاں شیتل دیوی تے راکیش کمار نال ملاقات کی تے اُن نانہہ
مبارکباد دتی۔ جموں کشمیر یوٹی تیں پیرس 2024 پیرا الَمپکس مانہہ بہتر کا رکر دگی
پیش کرن آلا تیر اندازاں نانہہ مبارکباد دیتاں واں اُنہاں نے کہیو جے ان کھلاڑیاں غی
سخت محنت، لگن تے قابل ذکر حصولیا بیاں نے مُلک گو بین القوامی سطح ور کھیڈاں
مانہہ فخر بدھایو بے۔ ایل جی نے تیر اندازی سیکھان آلی ابھیلاشا چودھری نانہہ وی
مبارکباد دتی۔ اس موقعہ و ر چیف ایگزیکٹیو افسر شری ماتا ویشنو دیوی شرائین
انشل گرگ تے شرائین بورڈ غا دوجا اعلیٰ افسر موجو دتھا۔

Doda Mishap

بٹوت کشتواڑ قومی شاہراہ ور گھارسو غے نزدیک اج ہوا اک سڑک حادثہ مانہہ 2 افراد
غی موت ہو گئی تے اک فرد زخمی ہو گیو بے۔ آکاشوانی نامہ نگار فیاض پامپوری نے خبر
ٹوری بے جے آٹو کا ر سڑک تیں تلک غے ڈونگی کھائی مانہہ دریا ئے چناب غے کنڈے جا

پٹی تے اس حادثہ مانہہ بلاک افراد غی پشان 18 بہراں غی سومایا تبسم ساکن سرور تے عمران حسین ساکن درب شالہ غا طور رور ہوئی ہے۔ جد کہ زخمی غی پشان اقرا بانو غے طور رور ہوئی جس نانہہ علاج واسطے سرکاری میڈیکل کالج دوڈہ منتقل کیو گیو ہے۔

Kishtwar

سوچہ بھارت دیوس تقریبات غا اک حصہ گا طور رور سرکاری ڈگری کالج کشتواڑ مانہہ ”سوچہتا لکشت اکائی“ غا عنوان نال مصوری تے نعرہ لکھن غو مقابلو کرایو گیو۔ آکاشوانی نامہ نگا رنے خبر ٹوری ہے جے اس مقابلہ مانہہ بشمول این سی سی کیڈیٹس، 100 طالب علماں غے نال نال عملہ غا ممبراں نے حصو لیو۔ اس موقعہ ور بولتاں واں مقررین نے صفائی ستھرائی غی اہمیت بارے دستاں واں طالب علماں ور زور پایو جے وے روز مرہ غی زندگی مانہہ صفائی ستھرائی نانہہ اک عادت بناویں۔

Forex

20 ستمبر نانہہ ختم ہون آلا ہفتہ مانہہ بھارت غو غیر ملکی کرنسی ذخیرو 2 عشاریہ 88 بلین ڈالر بدھ غے ہن تک غی سب تیں بڑی انچائی 6 سو 92 عشاریہ 29 بلینڈ ڈالر تک پُج گیو ہے۔ اس اعدادو شمار تیں ظاہر وے جے غیر ملکی کرنسی ذخیرو جھپٹو مجموعی طور ور غیر ملکی اثاثہ غو اک اہم حصو ہے۔ 2 عشاریہ 057 بلین ڈالر تیں بدھ غے 6 سو 5 عشاریہ 686 بلین ڈالر ہو گیو ہے۔ اس ضمن مانہہ پچھلے ہفتے یوہ ذخیرو 2 سو 23 بلین ڈالر اضافہ نال 6 سو 89 عشاریہ 548 بلین ڈالر بدھ گیو تھو۔ اسے طرح سونا غو ذخیرو وی ہفتہ گے دوران 7 سو 26 ملین ڈالر بدھ غے 63 عشاریہ 61 بلین ڈالر پُج گیو۔
